

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quòd Imperator Theodosius conscriptis maximis contra Maximum copiis,
eodem tempore quo natus est illi ex Placilla Honorius, Archadium
Constantinopoli reliquit, ipse Mediolani cum tyranno conflixit.

urn:nbn:de:hbz:466:1-12704

tem tum proficisci constituit. Absque mora igitur decedit ex Italia : atque in Illyriam contendens, Thessalonicae, quæ est in Macedonia, commoratus est.

Quod Imperator Theodosius conscriptis maximis contra Maximum copiis, eodem tempore quo natus est illi ex Placilla Honorius, Archadium Constantino-poli reliquit, ipse Mediolani cum tyranno conflixit.

C A P. X I I.

THeodosius Imperator ob hanc causam in magnam solitudinem coniectus, quām maximas copias contra tyrannum conficit, admodum veritus, ne cædem etiam Valentiniano iuniori moliretur. Eodem momento legati Persarum aduentant, pacem ab Imperatore petituri. Etiam tum filius Honorius Imperatori ex Placilla coniuge natus est, Rhycomeliano & Clearcho Coss. quinto Id. Septembris. Eisdem quoq; Coss. Agelius Nouatianorum Episcopus, paulo ante natum Honorium è vita migrauerat. Anno sequenti, ad primum consulatum Arcadij Augusti, & Vandonis, cum Tomitheus Episcopus Alexandriæ extremum diem obierat, Theophylus eum capessit Episcopatū. Anno post, vbi Demophilus sectæ Arianae Episcopus supremum vitæ diem confecerat, Ariani Marino suæ ipsorum sectæ Episcopo ex Thracia accersito, Episcopatum eius impartiūt. Marinus autem, cuius temporibus secta Ariana sicut à me dicetur postea, diuisa erat, non diu vitam propagauit. Dorotheum igitur ex Antiochia Syriæ accitum, suum episcopum designant. Imperator ad bellum contra Maximum gerendum ire pergit, Arcadio filio suo Cōstantinopoli Imperatore relicto. Qui vbi Thessalonicanam venit, offendit milites Valentiani ægritudine fractos, quod necessitate induiti, tyrannum Imperatoris loco admisissent. Theodosius autem se neque in hanc, neq; in illam partē propendere pro palam declarauit. Nā legatos Maximi ad se missos, neq; reiecit, neq; admisit: & tamen Imperium Romanum nominis Imperatorij simulatione, tyrānde oppressum iri, videre ini quo animo tulit. Proinde collecta militum manu, Mediolum proficisci maturat. Nam illo aduentarat Maximus.